

似滄溟大海分異派流泛諸川然如是周遊去處終久盡歸源
答人問緣甚出家如何修鍊

閒寫荒詞謾成拙句略將管見鋪陳貪迷世夢虛度二十春忽
悟前頭路險拖恩愛孰敢因循投玄教搜窮密妙坦蕩樂天真
清貧活計好還淳反樸養素頤神幸清風作伴明月爲鄰占
得逍遙自在從烏兔東出西傾忘言處些兒消息能有幾人聞
示眾

衡正清油重羅白麪如牙細米春淘精嚴辦供庖饌列珍餚虔
恪行香點靜頻作禮豈憚劬勞惟求望見存獲福亡者得昇超
吾曹聽勸化休生懈怠道念堅牢在澄心滌慮勿犯天條稍

道藏輯要

草堂集

三

昂集七
X X I

有違齋破戒無慚愧滴水難消虧功行將來打算天地不輕饒
平州節使完顏驃騎命作醮索詞

和氣融融日遲風軟艷陽物景相宜園林鋪繡桃李正芳菲燕
語鶯聲鬪巧黃金嫩柳帶低垂香風細仙姿是日分瑞向深閨
神儀何秀發溫顏玉潤鶴態依稀志謙和慈惠大善常持遐
壽不須重視真元性自有仙期俗緣斷人間夢覺還去宴瑤池
佑國雄才皇家貴戚銜恩守鎮平山一方安堵何幸感怡顏視
眾猶同赤子寬刑憲矜恤愚頑無私曲政聲流美應遍滿人寰
公餘重積德投誠奉教使保心閒又遠蒙見召祇建靈壇醮
謝諸天聖眾仗青裙開啟陰關從今後高真降鑒各係上仙班